



AKTUELNOSTI

Intenzivirana saradnja s organizacijama civilnog društva Saradnjom i zajedničkim aktivizmom protiv nasilja nad ženama

S ciljem unapređenja i jačanja saradnje u borbi protiv nasilja nad ženama Tužilaštvo Brčko distrikta intenziviralo je saradnju s organizacijama civilnog društva koje se bave zaštitom i unapređenjem položaja žrtava nasilja. Imajući u vidu da su vršenjem krivičnih djela, nasilju često izložena djeca i maloljetnici, žene i druge ranjive kategorije, unapređenje saradnje s nevladinim sektorom usmjereno je na njihovu potpuniju zaštitu.

U tom pravcu, na poziv Fondacija **Udružene žene** iz Banja Luke Tužilaštvo je uzelo učešće na radionici održanoj 21. maja u Brčkom, na kojoj su predstavljene „Smjernice za multisektorsko postupanje i saradnju subjekata zaštite žrtava nasilja u porodici i rodno zasnovanog nasilja“. Smjernice su kreirane na osnovu istraživanja o iskustvima i izazovima sa kojima su se subjekti zaštite od nasilja u porodici suočili prošle godine u radu na slučajevima rodnozasnovanog i porodičnog nasilja. Usto, u Brčkom je 25. maja održan i konsultativni sastanak u okviru projekta: „Prekinimo ćutanje – Unapređenje odgovora na seksualno nasilje prema ženama“, kojeg provodi **Fondacija Lara** iz Bijeljine. Razmjenom informacija o iskustvima u radu organa krivičnog gonjenja, Tužilaštvo je uzelo učešće na ovom sastanku, kao i u aktivnostima regionalnog projekta o pravnom položaju žena pogođenih ratnim seksualnim i rodnozasnovanim nasiljem na Zapadnom Balkanu, koji je u organizaciji **UG Vive Žene** iz Tuzle nekoliko dana kasnije predstavljen u Brčkom.

Djelovanje nevladinog sektora na polju zaštite žrtava prepoznato je kao važan segment ukupne društvene reakcije koji u velikoj mjeri dopunjuje rezultate krivičnog postupka. S tim u vezi, razvoj i jačanje multisektorskog pristupa i saradnje s NVO sektorom doprinijet će boljoj zaštiti i unapređenju položaja žrtava.

Tužilaštvo Brčko distrikta Bosne i Hercegovine, 8. jun 2021. godine

GLAVNI TUŽILAC
ZEKERIJA MUJKANović